

Sananeqaatit ozonimik aseruisartut ilaasa atorneqarnerannut inerteqqut pillugu Namminersornerullutik Oqartussat nalunaarutaat

Avatangiisit innarlitsaaliorneqarnissaannik Inatsisartut peqqussutaanni nr. 12-imi, 22. december 1988-imeersumi, Inatsisartut peqqussutaatigut nr. 7, 13. maj 1993-imeersukkut allannngortinneqartumi, § 7, imm. 1, nr. 10) aamma § 46, imm. 2 naapertorlugit aalajangersarneqarput:

Kapitali 1.

Nalunaarutip atuuffia

§ 1. Nalunaarut manna akuutissanut taakkulu sananeqaatimikkut asserluinnangajaannut, akuneqanngitsunut allanillu akusanut, akusaatillutik akusap oqimaassusiata 1 procentia sinnerlugu oqimaassuseqartunut atuuppoq:

1) CFC-nut tamanut (chlorfluorcarbonitut tamakkiisumik tarajunngortitsisartunut), taakkununnga ilanngullugit:

- a) trichlorfluorethan (CFC-11),
- b) dichlordifluorethan (CFC-12),
- c) trichlortrifluorethan (CFC-113),
- d) dichlortetrafluorethan (CFC-114) aamma
- e) chlorpentafluorethan (CFC-115)

2) Tetrachlormethan

3) Trichlorethan

4) Tarajunngortitsisartut tamarmik (tamakkiisumik tarajunngortitsisartut bromfluorcarbonit, bromchlorcarbonit og bromchlorfluorcarbonit), taakkununnga ilanngullugit:

- a) bromchlorfluormethan (halon-1211) og
- b) bromtrifluormethan (halon-2402)

5) HBFC-t tamarmik (hydrobromfluorcarbonit)

6) HCFC-t tamarmik (hydrochlorfluorcarbonit), tassunga ilanngullugit

- a) chlordifluormethan (HCFC-22),
- b) dichlortrifluorethan (HCFC-123),
- c) dichlorfluorethan (HCFC-141) og
- d) chlordifluorethan (HCFC-142)

7) Methylbromid

§ 2. Nalunaarut makkununnga atuutinngilaq:

1) § 1-imi, nr. 1, 2, 3, 6, aamma 7-imi sananeqaatit taaneqartut imaannik atueqqinneq, imaarsinikkut

atoqqitanik tuniniaaneq, atoqqinneqarneri aserorterneqarneriluunniit,

2) § 1-imi, nr. 4, 5 imaarsinikkut atoqqiineq, imaarsinikkut atoqqitanik tuniniaaneq, atoqqinneqarneri aserorterneqarneriluunniit,

3) Kissarnermik nuussinermut atortut ingerlanerisa nanginneqarneri immeqqinneqartarnerilu, tassa sananeqaatinik allanit peerlugit atoqqitanik immeqqinneqartaraangata,

4) seqqittaait nakorsaatinut atortut,

5) akuutissanik, nalunaarummi maani pineqanngitsunik, sananermi atortussiassatut atorneqaraangata, aamma

6) Kalaallit Nunaanni tuniniaaqinneq, tassa tunisassiat tunineqaqqaarnerminni Danmarkimi/Kalaallit Nunaanni piumasaqaatinik imaluunniit tunineqaqqaarnerminni nunani allani piumasaqaatinik sananeqaatit ozonimik aseruisartut eqqarsaatigalugit assingusunik illersuiniutaasunik naammassinnissimasaraangata.

Kapitali 2.

Atornissaannut killiliussat

§ 3. Sananeqaatinik § 1-imi taaneqartunik inuussutissarsiutigalugu atuineq inerteqqutaavoq.

Nioqqutissianik § 1-imi inuussutissarsiutigalugu sananeq, avammut tuniniaaneq tuniniaanerlu inerteqqutaapput.

Imm. 2. Imm. 1-imi inerteqqut apeqqutaatinagu sananeqaatit § 1-imi taaneqartut nioqqutissianut ilanngussami taaneqartunut atorneqaannarsinnaapput kiisalu ullut ilanngussami taaneqartut tikillugit.

Kapitali 3.

Malittarisassat malinneqarnerinik misissuineq immikkullu akuersissuteqarneq

§ 4. Nakkutilliineq kiisalu malittarisassat malinneqarnerinik misissuineq kommunalbestyrelsinit isumagineqassaaq.

Imm. 2. Naalakkersuisulli suliffeqarfinnik Avatangiisit innarlitsaaliorneqarnissaannik Inatsisartut peqqussutaat nr. 12, 22. december 1988-imeersoq, Inatsisartut peqqussutaatigut nr. 7, 13. maj 1993-imeersukkut allanngortinneqartoq naapertorlugu akuersissuteqarfigineqartariaqartunik nakkutilliissapput.

Imm. 3. Nakkutilliinermut atortitsinermullu tunngatillugu aammattaaq Avatangiisit innarlitsaaliorneqarnissaannik Inatsisartut peqqussutaanni, Inatsisartut peqqussutaatigut nr. 7, 13. maj 1993-imeersukkut allanngortinneqartumi kap. 4-imi aamma § 44, imm. 2-imi malittarisassat atuupput.

Imm. 4. Immikkorluinnaq ittunik pisoqartillugu nalunaarummi malittarisassat atuutsinneqannginnissaannik naalakkersuisut immikkut akuersissuteqarsinnaapput. Tamakkununga assersuutaasinnaapput sananeqaatit atorneqarneri sananeqaatit ozonimik aseruisartut pillugit nunat tamalaat malittarisassaritaanni "pingaaruteqarluinnartutut" isigineqartut.

§ 5. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaannik Inatsisartut peqqussutaanni kap. 10-mi malittarisassat naapertorlugit naammagittaalliutigineqarsinnaapput.

Kapitali 4.

Pineqaatissiinerit atuutilerfalu pillugit aalajangersakkat

§ 6. Nalunaarummi § 3-imik unioqqutitsineq akiliisitaanermik kinguneqarsinnaavoq.

Imm. 2. Aktiaateqarluni imaluunniit piginneqataassuteqarluni ingerlatseqatigiiffik, piginneqatigiilluni ingerlatseqatigiiffik assigisaaluunniit unioqqutitsissuuppat ingerlatseqatigiiffik taamaannermisut akiliisitassanngortinneqarsinnaavoq. Namminersornerullutik Oqartussat, kommuni imaluunniit kommunit suleqatigiiffiat unioqqutitsissuupata Namminersornerullutik Oqartussat, kommuni imaluunniit kommunit suleqatigiiffiat taamannermisut akiliisitassanngortinneqarsinnaavoq.

§ 7. Nalunaarut 1. september 2001 atuutilerpoq.

Namminersornerullutik Oqartussat, 10. august 2001.

Alfred Jakobsen

/

Hans J. Høyer

Sananeqaatit ozonimik aseruisartut ilaasa atorneqarnerannut inerteqqut pillugu

Namminersornerullutik Oqartussat nalunaarutaannut nr. 30, 10. august 2001-imeersumut ilanngussaq.

Sananeqaatit § 1-imi taaneqartut sulii atorneqarsinnaaffii, kiisalu § 3, imm. 1-imi inerteqqut apeqqutaatinnagu ulloq taasaq tikillugu nioqqutissiat § 1-imi taaneqartut sulii sananeqarsinnaasut, avammut tunineqarsinnaasut tuniniarneqarsinnaasullu pillugit allattorsimaffik.

Tarajunngortitsisartut tamarmik

1. Allat imakuinik peersilluni qatserutinik 1.1. 1993 ikkutanik atavissunik
immiineq, imm. 3-li pineqanngilaq. 1.1.2002
2. Qatserutit angallattakkat atavissullu, imm. 3-li pineqanngilaq,
peerneqassapput suujunnaarsinneqarlutillu kingusinnerpaamik 1.1.2002
3. Sananeqaatit allanit peerlugit atoqqitat umiarsuarni, timmisartuni,
timmisartortunik aqutsivinni sakkutooqarfinnilu qatserinnermut atugassat allamik
inuunermit pisariaqavissut, tassa akuerisaasunik tamatumunga aalajangiisoqarnissaata
atortussaqaanngippat tungaanut

HCFC-t tamarmik

- | | |
|---|----------|
| 4. Atortuni matoqqasuni, atortunilu taakkununnga atasuni imminnut isumagisuni 31.12.2001 kingorna sanaasuni sananeqaatit kissamik nuussinermut atortartut | 1.1.2002 |
| 5. Atortuni pioreersuni taakkununngalu atasuni atortuni imminnut isumagisuni sananeqaatit kissamik nuussinermut atortartut | 1.1.2004 |
| 6. Kiassaatit ruujorerinngissaannut ussissaatit qapuusat plastiusut qeratasuut | 1.1.2002 |
| 7. Ilisimatusarnermut, ineriartortitsinermit laboratoriamullu atugassat | 1.1.2002 |

Methylbromid

- | | |
|--|----------|
| 8. Karrinut, qajuusanut assigisaanullu toqqorsivinnut toqunartuiaaneq | 1.9.2001 |
| 9. Tomatiunngitsunik naatitsivinni issumut toqunartuiaaneq | 1.9.2001 |
| 10. Amernik toqunartuiaaneq | 1.9.2001 |
| 11. Naasunik toqunartuiaaneq | 1.9.2001 |
| 12. Kingunissanik, qaqqortarissanik inerittunillu panertunik avataaniit eqqussanik toqunartuiaaneq | 1.9.2001 |
| 13. Timmisartunik toqunartuiaaneq | 1.9.2001 |
| 14. Umiarsuarni teriarsuaajaaneq | 1.9.2001 |
| 15. Siutisiortukkunik qisuttortartunik akiuiniut | 1.9.2001 |
| 16. Katersugaatinik illunillu oqaluttuarisaanikkut pingaaruteqartunik toqunartuiaaneq | 1.9.2001 |

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

